

皇明經世文編

皇明經世文編卷之三百四十四

華亭

徐孚遠闇公 陳子龍臥子

編輯

宋徵璧上木 朱 積早服

李 懋素心參閱

王敬所集

疏

王宗沐

條爲議單欵目永爲遵守疏

漕政利弊

議照漕運之有議單 典制也會議之有條陳故事也但臣惟天下之事承弊壞之後則反之必尋其源

摠煩劇之司、則慮之當盡其變、漕運事宜、節該諸臣
經畫擬議、載在議單、極爲明當、顧以法在而徒爲文
具、行久而習見故常、今不悉理其急切之弊、以收實
在之功、則無以肅久渙之心、而成維新之政、除其事
關大體、更輦最重者、已經臣陸續特行題請、及事體
稍輕、得以自達于下者、今亦不敢剿集故事、瀆陳外
所有利弊、于係漕政切務、皆臣親歷實際、悉心思惟
數事、謹用條列、乞勅該部會議題請、通人諫單、永爲
遵守

計開

一申全單之規。照依各總衛所。每年應運糧斛。漕司自准部咨到日。卽分派十二把總。把總然後分派各衛。各衛然後分派各幫。緣水次有難易之分。遂人心起避就之計。故把總派糧與衛所。則官旗先有常例之餽。有司派糧與州縣。則吏書先有賄賂之通。所以派撥不公。源頭受病。一也。糧數已定。而官軍告支月糧。掌印官不卽造冊。有司不卽開支。以致運軍藉口坐待守支。二也。及到水次。而軍衛官旗以米之粗惡。

不允。有司糧里。以軍之勒增爲詞。爭講牽纏。持久曠日。甚則聚兵相毆。三也。漕司設立水程。本以稽考遲慢。然而使之自填。既可那移。查比又疎。所以漕規日廢。人心愈頑。四也。軍船到遲水次。一切皆責各官。固係正法。然亦有等刁頑旗軍。不聽運官約束。以致坐違限期。運官不敢申治。甘受其責。縱惡長奸。莫此爲甚。五也。糧運到京。起空船隻。委官當押南下。以圖新運。今委官多從陸路偷回。而各船頑軍。得以攬載延緩。且前後散漫無統。每至中途遺棄。六也。爲今之計。

必須設法置單漕司親爲派糧註限、摠括諸弊而悉釐之、使官旗一遵繩約、而運政始有善圖、合無乞勅該部再加查議、自隆慶七年爲始、以後將應運漕糧聽漕司親派、及分布全單、每幫各給一紙、備開某衛運官兌員、領船若干隻、旗軍若干名、運某府州縣兌改正糧若干石、自派糧文到之日、運官卽會掌印官整點軍船、造冊送赴所在有司、限五日內支與月糧。如或倉庫一時缺乏、許將別項見銀借給、以濟起程、仍追原坐糧銀補還、一面計算該衛去水次若干里、

係空船赴兌、每日約行七十里、路遠者再與三日守風、定限某日到水次、軍船一到水次、每糧一萬石、限五日、再二日、叅見各衙門、二日較解開兌、定限某日兌完開行、計算水次、到淮安若干里、再除風日不便、及瓜儀盤壩進開量寬外、係重船每日約行六十里、定限某日到淮、到淮之日、運官將單送漕司編幫、改限、定立過洪到京限次、候起糧完日、單送巡倉御史查比、限定委官管押空船、于某日到淮、投臣查點、以防稽遲遺棄、至于刁頑旗軍、坐視不赴水次、遺累運

官違限者就于單末另立一款許運官密填姓名過淮之日聽臣從重懲治仍擇委能幹賢明推官一員住淮凡運官到日將單先投推官查算某處違限幾日某處違限幾日內扣除風水不便或上司守候或江河阻淺給有明文執照外如月糧違限則罪分坐支有司如水次無糧則罪分允所有司其餘違者卽係各運官誤事開帖于單投臣計日責治若各官果能依限先到先納者聽臣分別獎賞庶法令一新人心齊肅而漕規可期振舉矣

一嚴有司之限。照得全單既置。則各衛所官旗之遲誤。不容復蹈。然必須有司之月糧。以時開支。水次之漕糧。預期徵兌。庶官軍輕于離家。而敏于交兌。臣查議單開載。有司十二月無糧者。掌印管糧官住俸半年。正月終無糧者。住俸一年。二月終糧不到者。降二級。今有司徵兌不得如期。軍衛運納不能速達者。良由姑息久而積玩。深法紀弛而漕規廢。故也。臣訪有司徵糧故弊。大抵先設欺局。如軍船未到。則申報糧已在倉庫。船既到。則水次又復無米。旋徵旋兌。二月

尚多未完。自知降罰例不可免。而乃輒爲申報。完在正月。以爲避罪張本。而監臨督兌者。又往往爲之庇護。以致有司視降罰之例。有同文具而已。且各交兌之時。紛摠告報。及訪查中間有司。或庸弛愆期。或奸名偏護。或陳兵毆打。或坐視盜折。臣皆不敢以聞者。亦以事成積習。其執固未能一旦全以謙單勅諭之法。便深求而盡繩之也。今運士旣始食早運之利。而朝廷亦已明知有可速之勢。則凡各有司。寧容再誤。相應申嚴法紀。以除故弊。乞勅該部再加查議。今

後各司府州縣漕糧務要依期徵收完兌軍士月糧務要如限閏支若延出限外聽臣遵照勅諭照例泰降若果糧完如期交兌早畢者特爲薦舉不次陞擢庶人心警惕而漕糧不至誤兌矣

一重旗甲之選照得有司糧既速齊管領全在旗甲委託錢糧千係特重如水次之交兌沿途之照管到倉之起納俱責在一人必須殷實有力者克當方克

濟事夫何邇來有等富軍畏懼漕運繁難營求衛所

已畏避漕運之役至于途來又復不堪旗甲愈貪而

或掣改別差或援納吏承或別籍歸宗或投托影射

神唐初年衛所旗甲

躲避之奸無所不至以致在運率多貧窘之人。漕政

由此而壞每年雖委有司會選而正官又以多務不

遑未免委及佐貳各衛掌印所伍官遂得肆爲賣富

差貧但以虛數交與運官便稱了事其運糧官員中

多不才每爲掌印官所制依違苟且畏縮應承所以

各旗甲無賴之徒自知無家以挽其心故乃大肆折

乾以快其欲稍有事發若非逃亡必爲刁挾縱使盡

法懲治彼亦有死而已及至查究彼此相推莫可究

詰爲今之計相應設法點選令其掌印官與運官均

任利害。使有同舟共濟之義。乃爲補偏救弊之圖。勅該部再加查議。通行南京兵部及各該巡撫。督行司道等官。轉行所屬運糧衛所。各掌印官。即便會同運官。將各船旗甲逐名點選。但係身家有力者。照舊存留。其貧難不堪。及壞事累欠者。盡行革退。就于在運軍餘之內。或在衛雜差之中。無拘所分。選取殷實。頗過。及素有力。量之人。頂補。務要人人着實。不許仍以不堪之人搪抵。選完開造花名長單一。樣二紙。送赴臨近府州縣正官。于各單上大書審訖無辭四字。用

有司軍衛印四顆鈐蓋掌印官與運官各收半印一紙如選旗已得其人則運官方可收領半印啓行他日運糧壞事則罪坐運官如選旗不當許運官當時口爭府州縣再審更定如掌印官挾勢逼承許運官到于水次指實某人不當某人買閑叅呈漕司將文案候不遽施行如他日運中誤事適係運官所呈之人就將掌印官差人提解到淮責賠損失如無誤事立案不行但不許假此挾私刁難妄害其運官所領半印過淮繳報漕司查考不過淮者類送天津兵備

差人總繳至于各船軍餘亦要汰其老弱并將事故名缺逐一僉補精壯人丁著運務足原額如有坐視不補致累旗甲有損船糧者所伍官一體治罪庶精選得人運事無誤矣

一併造船之廠查得軍旣齊集則船爲最要除清江一廠已該臣會奏處分外其上江總屬建陽新安安慶九江宣州伍衛淺船原在安慶地方設廠團造下江總屬鎮江蘇州太倉鎮海松江嘉興六衛所淺船原在蘇州地方設廠團造每廠委把總一員每衛所

委千百戶一員管理、後因各衛所官旗圖便、以故安慶衛告于本處、九江衛于龍坑、建陽、宣州、新安三衛于蕪湖、蘇州太倉鎮、海三衛于蘇州、鎮江、松江、嘉興三衛所、各于本處打造、因而奸弊叢生、造作苟簡、已該漕司題奉欽依、責成九江兵備副使專管上江、蘇松兵備副使專管下江、各提調督造、但查二道一駐九江、一駐蘇州、相去各衛所、廠地寫遠、不便親臨督察、而催工止于文移、事工料費、坐督尤恐侵欺、遲制焉能完善、相應照舊、歸復故廠、以便團造、乞勅

該部再加查議准將上江廠所屬建陽宣州新安九江與安慶共五衛仍舊于安慶府地方下江廠所屬鎮江松江嘉興與蘇州太倉鎮海共六衛所仍舊于蘇州府地方比照浙江湖廣江西事例各設廠造船悉聽本地二督糧叅政提調監督悉照臣先題事理施行庶廠造歸一而船制可堅矣

一增督理之官照得漕屬浙江江西湖廣山東河南五布政司俱有督糧叅政或叅議一員專管督催漕糧其江南江北應天蘇松等十五府州原無設官是

以徵兌愆期往往誤事近該臣議革漕運叅將更設叅政一員專管漕務兼督江北廬鳳淮揚四府糧儲而江南蘇松常鎮四府漕糧亦該言官建議添設叅政一員督理是五布政司與江南江北各有官專管矣惟應天安慶寧國池州太平廣德六府州地方廣遠錢糧重大尚未設官統攝遙寄托于九江兵備事不相蒙文移寢閣輒該原任副使張岳呈稱不便委宜添設且六府州地廣糧多相應議處乞勅該部再加查議添設叅政一員安慶府駐劄每歲徵兌押運

過淮畢日、仍將各府州一應歲額夏秋起存錢糧、及造船軍民料價、悉聽催徵完解、如遇本官陞遷等項、必候新官至日交代、方許離任、庶督責有官、而糧運無誤矣、

一建通江之閘、查得瓜洲鎮當江南糧運咽喉、節該先任漕運都御史鄭及科道等官張博等建議、將原有土壩改閘、工部題奉欽依、備行候勘、近該河道都御史萬會臣酌議、應于本鎮花園港建閘二座、分定附近通州泰州如臯泰興四州縣掌印官管造、但查

建閘節年議論雖多，竟未估計興舉，恐復因循。時月或誤，該臣督行管理漕務右叅政潘允端親詣踏勘。自花園港從江口勘至鎮西月河出運河口，止計長六里六分。路道環遠，水流平緩，而上河與下港地勢間有高低，應建四閘。合于本港時家洲月河口建爲頭閘，估計合用工料銀二千三百六十六兩一錢四分。自月河裏港陸地開濬至尤家磯爲二閘。又于詹家橋爲三閘，每閘該銀二千二百四十一兩三錢二分。阮家莊爲四閘，該銀二千三百六十六兩一錢四

皇明經世編

王敬所集
卷之二

清政利弊

十

平露堂

分、共銀九千二百一十四兩九錢二分、開港三十六畝七厘五毫、每夫日給工食銀三分、共銀二千九百二十兩四錢四分、各閘起蓋官廳、置辦車盤器具、共銀八百四十六兩七錢五分、以上通共該銀一萬二千九百八十二兩一錢一分、其各閘幫隄撈淺栽樹等項、所費不多、俟建閘工完另議、臣看得前項閘工既該道府各官估計明白、相應及時建造、况近來糧運限以十二月完兌、卽正月前後、重船可抵瓜州所據興工、勢不可緩、其四閘官吏人夫、不必添設、卽以

本鎮原有閘壩官二員條記一顆司吏一名壩夫二百五十八名移置應用每年糧運到日查照儀真事體開閘放行過盡封閉將鑰匙封送漕司收貯每閘止留夫五名看守其餘退回各壩仍舊車放民船糧運空船回南如前啓閉其一應民載客船俱常川由壩挑盤不許由閘出入再照江北三摠糧船例不下壩蓋先年原係民運至瓜淮水次兌軍其後雖改官軍前赴江南領兌船仍寄壩而有司每糧一石徵過江脚米一斗三升內以七升雇覓江船裝至瓜洲壩

盤入軍船轉運又以六升折銀給與旗軍俱爲修船什物之用今若使之由閘南兌則有司脚米一斗三升計銀四萬餘兩將或藉口不出船將何修且江北三摠空船到淮已近冬令若赴南兌必須修辦完整不但時日甚迫抑恐有司江船旣不雇募而年例六升修船之費亦不能預徵解淮給用不無耽誤運限况江北船係寄壩不赴遠兌故限以十年一造今若聽其由閘渡江赴兌則當改爲七年一造料價頓增數萬兩無從出辦及查先年儀真建閘止令江西湖

廣上江三摠之船由開其南京二摠仍今有司照舊
雇覓江船運抵像真盤入軍船蓋江西等摠原係下
壩五年七年一造船隻而南京二總船隻原不下壩
故限十年一造此係舊例今瓜洲建開應照像真事
體止令浙江下江三摠由開所省挑盤腳費已多其
江北三摠糧船仍寄在壩有司照舊雇覓江船對填
盤運有司毋得風聞妄生異議致誤漕期庶兩利俱
全而漕運有裨矣

一處疲困之摠照得漕屬十二把摠惟南京二摠疲

弊至極、運官率多不肖、旗甲盡皆貧難、而隨船軍人
十缺三四、近例各衛掌印官、與運官更番領運、使才
幹者不得以管印而避難、不肖者不得以充數而戀
運、補弊救偏、善計無過于此、隨該南京兵部議題、京
衛比之外衛不同、掌印官免令更番、將各運官查係
戶部會考存留姑留者、照舊領運、革退者止于僉書
以下官內選補、固爲保護留都至計、但運事凋疲、豈
可偏廢、相應酌處、乞勅該部再加查議、自隆慶七年
爲始、南京各衛運官、俱與軍政僉書官更番領運、仍

責成掌印官、每年會同僉書、官先期在衛點選旗軍、
追補舊欠徵扣料價、修理淺船、以俟糧單、派到僉書、
官卽率軍船赴兌、再照南京衛分旗甲十分貧窘、軍
士過半逃亡、仍乞行令南京兵部照例選委主事一
員、專管選軍之責、每臨運期、逐名通融、選補務使旗
甲殷實、軍士精壯、取足原額、該衛開造半印長單、交
付運官收領起運、如掌印官怠玩誤事、照依議單、每
摠缺旗甲五名、中途在逃旗甲十名、運軍二百名以
上者、聽臣提問降級、其選委主事、南京兵部坐名題

請仍行漕司知會。所委主事陞遷事故。該部另題委

代。不得曠廢。及查得南京各衛軍士。上戶殷實者。盡

取實軍。旗皆營。求別差。則倉運者皆貧。軍宜悉以上戶

僉黃馬快船小甲。其次爲幫甲。再次爲營操屯田聽

繼等差。選剩方僉運役。是以貧難者專一在運。有力

者皆得安閑。所以漕粮積欠。總衛累疲。當此亟宜挑

選。但係南京兵部職掌。漕司不得干預。今照該部尚

書王素抱宏猷。忠先體國。若議行本官。必能仰承

明命。斟酌更番事例立法。將各衛旗甲除黃馬快船

小甲正役外。其幫甲及營操聽繼屯丁跟隨等項軍

餘一體通融選補以救疲運誠于國計有裨矣

一併水次之便據湖廣監兌戶部主事牛可麟管理
漕務右叅政潘允端湖廣運糧把總夏時寅各先後
開呈本省漕糧交兌水次原設漢口掛口城陵磯三
處地方除漢口掛口二處泊船穩便外惟岳州府城
陵磯水次往年交兌俱在五月間湖水正漲船隻
得泊蛇林港以避風波近奉新例嚴限十二月交兌
此時適值冬深水消港內成陸糧船只得泊于洞庭
湖口一遇北風大作漂沒勢所不免恐非長便查得

漢口水次廣潤可容千艘且衡永荆岳長沙等府民
糧自城陵磯直抵漢口又係一水順流民亦樂從其
便呈乞歸併等因備呈到臣據此查得湖廣城陵磯
水次坐兌荆州岳州長沙永州等府糧米近例限于
十二月以裡交兌開幫此時正值冬深港水乾涸糧
船俱泊大湖致有漂失之患今監兌及該道把總官
議要改併漢口一節既于軍民兩便相應議處乞勅
該部再加查議轉行湖廣撫按官速將城陵磯水次
改併漢口行令荆州等府自隆慶六年秋糧爲始遵

照依期徵運赴彼交兌以便糧運

一處停造之船照得漕運淺船原有定額年來旗軍奸頑駕使既不如法看守又不用心以致漂流火燬數多每遇全運之年往往缺船裝載以故前任漕臣乃有補造之請初則本以足運久而漸成弊端臣訪各衛有等積猾旗軍專慣侵盜糧米慮恐交納掛欠故意將船鑿沉捏報漂流以圖掩飾蓋掛欠則追本船旗軍漂流則難繫衛賠補既豁侵盜之糧又竊賣板之利及至下年復領新造之料設此一奸數利兼

得所以各衛旗軍率皆倣效蠹漕之大莫甚于斯臣
又查清江衛河二廠管造江北南京等九摠新船例
將底船兼造如有欠缺照依分數每一分追銀二兩
買木補用近年各衛送廠該造船隻內因底船銀板
不完遂令停待不造旗軍以無船而得減存廠官以
存料而得展轉年復相沿致損船額萬一全運不免
上運之支本集所載改折一說卽是也
議雇民船每船計費水腳銀七八十兩少亦不下四
五十兩止了一年運事明年又復雇之雖曰議用本
船存軍糧銀及修艚什物銀兩而有司徵給愆期豈

能濟急。通年俱是取足漕銀。有借無還。庫藏難繼。及查改造新船一隻。限定裝運十年。今止缺欠底船銀或三五兩。或十數兩。致將及年應造之船。不得成造。每年大費水脚雇船。止裝一次。不無可惜。爲今之計。莫若借與不敷底銀行。厥湊同原料打造。以補年例之數。則一船有十年之用。比與雇船所省不知幾十倍矣。且此船旣造。而漂燬之數多在其中。補造之行。自可停止。乞勅該部再加查議。自隆慶七年以後。停止補造。容臣督行各該把總。通查節年各衛因缺分

數停造年例淺船若干隻內除已追完足并有見板外其餘所少銀若干兩暫于漕庫收貯各衛減存軍辦料銀內每底船一分借給銀二兩提取旗軍併發該廠成造以免逐年雇船之費其所借銀兩就將隨船各軍月糧限于二年扣補完庫庶旗軍免追併之難而漕船無停閣之積矣

海運疏

海運

該臣議照國家之漕仰河而罷海者已百六十餘年海運之事微斯與平郡方伯潘冲庵公共事初年運舟俱至次年損至嘉靖中歲以來河流衝決漕舟遲阻甚則膠淺守

凍兩年而始完憲府七隻二而初試海狀龜陸海清矣都議一年盜賣漂流二石而不致一石、緝

紳改色而求策、廟堂側席以問途、至隆慶五年時

則給事中李貴和有開膠河之疏、而其引語曰海運以見海運之疎非自己言

也是年九月間則河患更甚、艱舟逆遡、壞者幾八百

隻、官軍溺死者何啻千人、朝野震駭、謂幾無漕、時則

都給事中宋良佐有復遮洋摠之疏、而其本旨曰海

運也、方膠河議起、事體難成、臣時適長東藩、因出山

中舊見云、詳考海運可以徑行、時巡撫都御史梁夢

龍頗見采納、即投袂東巡、親歷海徼、險易在目、而猶

恐空言難信以四千餘米自淮啓試坦然可行然後
疏入而廟堂遂主于施行矣成命既下臣又適

叨漕寄因陳三勢之說謂爲都燕必須之途愚慮稍
深不特爲米去年募運效著已明而今歲造舟甫爲
定計此則海運之所以脩復皆因事机湊邁內外協

是時江陵當國故言君相

倡而君相以神謨處斷于上非臣能以一已之見
取必于遂行也夫以舟行水必有風波其在河湖猶
不能免故臣于造船原疏固云如有欲僦卽改入河
運臣亦非不預知有今日之事而姑云然也今歲三

百艘啓行、本以三月二十日、而船以新造油灰未融、
停于海口、至四月初八日、而後敢進、視去年爲稍遲、
因與端陽風會、然夜泊以求全也、而風則夜起、蜚持
以祈免也、而勢則晝增、抵當一日、七舟始壞、則天
意難諶、非人所及、而覩記如此、固宜諸臣之競謂當
罷也、臣以職守兼奉 成命、能陳其一得之見、而不
能必衆議之合、能規爲求全之策、而不能必 天意
之從、今臺諫連章、交云當罷、而愚臣又何敢守其區
區之見、且自臣叨承漕計、竭力營新、以故河舟兩年

安完整肅則海運于時似爲無用。所據停罷之議勢不再計。伏乞勅下戶部再加查議。將海運明年停止所造船隻分發河運。仍各別爲一幫。以備一時緩急。便于復行。其海運各官中有忠勤可用者。容臣列考咨行兵部兵科。別行銓用。以盡其才。不致淹棄。其失事各官。行漕務道會同海道勘覆。分別處治。以懲不恪。再照人臣任事。欲以一身不恤天下之疑。而取必于不可測之中者。非智也。使因人言之有異。遂唯唯而變其初之區區。又或因人言之不同。遂悻悻而忘

其告之疊疊者。非忠也。蓋大農之賦聚數百萬以爲漕。其大且難。利害互伏。固未有一定之路。一定之策。可使若出諸袖中。移之枕上。而保其毫釐之無爽也。今且主人使其僕負米于百里之外者。必乾餱而笠蓋焉。不能保其中途之不遇雨也。而況于漕乎。此先輩諸臣。深知河漕一線之路。不可常恃。而咸欲通海以收兼全之利。而消四海窺伺之心者。此也。臣前謂海運之可行者。已列疏。上澈而所謂詳考者。未敢竇進。今海運旣停。臣謹繕完成冊上塵。御覽其三。

百餘年之因革與三千餘里之曲折指在掌中。庶
陛下鑒臣之所謂可行者。非偶然一時取急之言。而
萬一河道稍有梗塞。陛下欲取而用之。則不待詢
采。拮。集。而。有。司。一。旦。可。具。庶。幾。臣。言。雖。停。于。今。日。而。
尚。或。有。用。于。他。年。此。則。臣。眷。眷。無。已。之。愚。忠。而。不。忍
于一罷自完之爲得計也。

書

與谷近滄年兄論開膠河書

開膠河之難

某待罪東省。已月餘矣。邇者人自北來。傳聞京師倡

開膠萊河之議云已有端竊意必因邳河之淤塞邇
道稽留深憂遠慮欲爲國家尋久遠不拔之計故謙
及此殊不知欲尋久遠不拔之計而此則煩難必不
可就之工設爲談議猶之可也若必爲之則其地在
山東薄海際盡東境而某山東守藩臣也使嘿不言
與言之不預萬一論有成緒擇遣大臣或臺諫部寺
官按行相度而遣官又或稍有成心欲以慰協朝議
主于必行臨時力爭而不可得則山東莫大之患與
宗社之憂必在于此某亦無所逃罪故敢冒昧以

布于明公膠萊之議起于元世祖都燕運河自浙西涉江入淮由一河逆水至中灤陸運至淇門入御河以達于京後又開濟寧泗河自淮至新開河由大清河至利津入海因海口沙壅又從東河陸運至臨清入御河至元十七八年始開膠萊河道通海其事不成而罷故史臣曰勞費不貲卒無成效此載在元史食貨志中可考也元世祖嘗以十餘萬人命其臣阿剌罕范文虎等將之以征日本自膠萊海發舟遇風而沒曾不爲意彼之虐用其民能以十萬之衆填海

以事遠夷。豈不能驅十萬之民。開河以通運道而卒無効。何也。至我朝。高祖通海運七十萬以餉遼東。

成祖開漕河運四十五萬以餉京師。而終不謀及膠河。二祖之神謨。群策畢集。皆釋不圖者。豈非以其事終不可濟哉。而今當匱乏之日。乃欲舉先代之中輟。脩二祖之不可圖。以覲就不可成之功。恐非計之熟者也。膠河本受新河之水。源出高密。其流甚細。若欲通舟。必須遠遠邀各處之水。合于新河。而北下海倉口。乃可運漕。邀之則必有堤合之則必有閘。群

山相邇。夏秋暴漲。河身水弱。不能衝而易淤。三百里之河。一里淤。則廢千餘金之閘。一石壞。則廢今漕河受洸汶沂泗四水會泉一百七十。尚憂其淺。而膠萊獨以高密一水。欲使成河。故謂決不可成者。非獨爲馬家淺之石難鑿而已也。築隄置閘。引泉捍海。費以百餘萬計。卽使其財已足。王必藉人。今邳徐之工。合調河南山東江北直隸之民。而其召募則以路當孔道。四方走集之人也。膠萊僻在海隅。雖濟南之民。不肯數百里而赴募。其勢必盡編排于青登萊三府。非

十萬人一年爲之不可也。三府連年凋敝，人戶多逃，
本額之征，十欠四五。每歲山東以督糧拖違降調住
俸，率多三府之官。案在戶部，可覆視也。料三府之民
至用以十萬，則野皆不耕矣。一歲之京邊起運，與地
方之存留，仰將何給？萊人或萬中有一生覲心焉，徃
于臨清濟寧之繁麗，以爲有河通行之故也。然不知
意必兼人有缺謀，開此河者而登青二郡之人不特
故爲此言。白首種樹，利不及享，而青登之民，則又何望也。且今

漕河之挑濬，在國家不過以督責中丞，中丞以督責

有司，曰挑河挑河而已。然民間之荷鋪而舉衣，妻送

其夫父牽其子白頭扶杖孤兒寡婦之哭聲不可得而聞也腰泥而足水疾病生焉去者辛勤居者貼費歸而死者路而殮者不可得而見也然且剝膚椎髓以爲之淤而必挑決而必塞涸而必邀而不敢不虔者以國家之漕重故也今膠河之新開其工有倍于邳徐者而遽以勤三府之民則夫乃可以已耶且今欲開膠河者豈其弃漕河乎本欲爲國家意外之慮故重開一河以備緩急使遂以此而弃漕河則非建議之初意也是漕河必不可弃也然某所謂漕河必

不可弃者。又非獨爲漕運已也。國家聖子神孫有

設古以見其難一則執日不可一則時有難也

分封而南。如景府者。誰能建議使由膠河出淮海乎。

國家所與共理天下者在百官士夫。南人之入北。與

北人之仕南。皆不能不携家。誰能定法使必由淮海

入膠河乎。黃河下流壅則上流漫。倘自睢曹橫嘴端

德薄泗州浸淫鳳陽陵寢所在。其可坐視不別導乎。

徐沛固東南一要會也。下流既壅。則數百里之間。將

爲巨浸。其可坐視不拯救乎。以是四者謂漕河必不

可弃也。漕河不可弃。而復開膠河。是欲以國家之力

顧兩河而山東之力供兩河國力之能顧兩河與否非疎遠之臣所可知若山東之不能供兩河也則某深知之矣今漕河之淺溜開泉壩夫堤夫派在濟東充者銀力二差各四萬五千有奇而力差則民間倍以給之是九萬有奇矣合兩者幾十五萬而大派臨期之徵派不與焉膠河旣成視漕河稍短其所謂泉開淺溜之夫一不可缺姑約以半計當得八萬金有河漕則必設重臣戶工部分司有開則有開官有重臣則有奏報則設驛官海船大而底尖入膠河湏易

平底小船出海倉口。則復有海船。則必設船廠建置衙門廩食夫馬費亦不下二萬。濟東兗但供漕河而膠河歲給十萬。勢必全派于青登萊。今之青登萊可復加以三千餘金乎。可忍加以三千餘金乎。又何言十萬也。山東地形輔京畿。是國之左腋也。漕河一線山東居十之七。是國之咽喉也。歲輸京邊與夫物產土貢其地諸雜料與民之上例者不下百萬。是國之中厠也。撫之而尚恐其逃。安之而嘗恐其動。柰何爲不可成之役以捏之。而自貽其憂乎。始不慎圖。用數

十萬金試之而不成。稍成而復淤。勢必弃之。是以數
十萬金委之水也。某往在江西時。曾見羅文恭海運
地圖。喜其王憲副膠河之說。而特爲刻之以傳。意亦
以爲可幸而濟也。比今來官山東。按地形而計物力。
然後知其事之必不可成。彼士夫平日相與促膝而
談之。以爲新者。及欲措手而施之于事。而未必合也。
某少有志功業。中已病卧艸野。朝廷不知其不肖。
以爲可用。收之埃土之中。亦欲思竭平生。爲所部營
一事。以報聖朝。卽有如膠河之利。正某畢力之秋。

而猶嗷嗷如此者。誠真見其不可就。毋徒爲國家特
生一事也。某以爲開膠河必有事。然不敢一及之者。
似亦危言動人之聽。開膠河必不就。然不敢多及之
者。似以臆見阻事之成。故于河之決。不可開者。不復
詳言。而但于開成之不可繼者。頗慮其悉伏。惟明公
實柄斯議者也。倘以爲可采。幸于聚議之時。力言之。
使遂停罷。則宗社幸甚。山東幸甚。

序

桂林圖志叙

桂林圖志

國家大一統。盡有天地幬載之地。而廣以西。負湘楚。連滇蜀。際海澨。而面屬交趾。蓋一門戶也。嘉靖庚戌。命司教事茲土。頗聞諸大夫學士。與紀籍所載。固謂盜劇民病。若喉有癭。必不可去。而不敢不治。心竊志之。旣而抵廣西。居三歲餘。徧按歷諸部。時承乏兼署撫夷事。始略覩其端末。大都必如昔所聞。是肩終不可得息日也。凡事之起。其必有源。而救之之術。當圖其始。今山間諸夷。非有部曲號令。若攻城野戰之技也。其所操持兵械。非素淬礪犀鋸也。其人皆衣食草

木鳥言夷習。卽狡非有智謀斷略也。其所恃者山之險。與易于合爾。然其險可潛而奪。而其合可駭而散也。而率未能震讐而服之。非惟不服。而其勢更日熾而月長焉。非夫謀之不素定而慮之有遺策與。故嘗思之。夫民繫有司是賴。自有司之不得其職也。則招徠之術寡。賦于官者率不得其準。而豪長隸書。又從而蛆蠹其間。以相倚伏。一分之正。嘗九其供。力不能具。則其勢至于棄妻子。妻子棄。則無復顧係而輕去其里居。與盜爲群矣。一里之間。一室而逃。則其遺賦

責償于留者。彼九者是加其一也。加之而逃者三四焉。則將盡一里胥而遁矣。夫貢戶有籍。非不可覈也。然有司不及按。捥撼室縮。不敢舉手。彼其不純于夷者。生長于深山大澤之中。見輿皂則頭搶地。其勢宜不敢控。而惟爲魚肉之。其償不得平。貧而挾憤。其入于盜也。所以仇吾民者。豈有量哉。比其告亟。勢不得坐視。然戈甲所指。若焚燎焉。首虜之多。用兵之始謀也。夫盜弱而豪嚙之。盜強而豪私之。比誅不當罪。殺有枉濫。彼其竄者之父子兄弟。不甘其心。而不直于

官。大竄。大聚。小竄。小聚。官力方窮。則不得不出于招。招出于力之竭。則不以爲恩。其旁觀者。固得執其詞。以嗾其黨矣。夫夷雖獷。其好生惡死。則同也。誠有以安之。可使爲編氓。今夷則已矣。又驅民而更爲盜。其山川虛實。皆民教之。已而加誅焉。則又不當其罪也。則誰爲畏且服哉。故兵之不可戢。與其動而或敗也。起于有司有司之失也。起于賦役。而豪民隸書。又從而去其籍。以舞其智。余之所謂謀之不素定。而慮之失策者。此也。余嘗謂是爲廣右禦寇之長策。而成堡。

屯營不與焉。間以語人。則有合不合。至總兵張侯方

鎮桂林時。予嘗蒞之。則若石投水。莫予逆也。侯固鄉

人。固熟知其道里情俗。又先後在鎮。凡十有五年。故

言似迂而弭盜與治之策實得其本

所爲桂林。固志首載地形沿革。縣里額賦之常。與夫

兵戍消長之態。往事失得。一覽若在目睫。侯嘗以智

勇爲時名將。今且謝事而直以不忘桑梓爲是。書使

按籍酌時。鑿鑿可見行事。嗟夫。民不激盜。賦不朘民。

而于時猶狂而跳者。以兵加其頸。彼善有安生而惡

有戮死也。雖賞之使盜。其將能耶。夫其技械智略。本

不足與敵。驅而納之湯火之中。以爲功焉。而不問其
罪之由。然則夫乃仁人之所痛與。故談兵者。行陣擊
刺。非所以語大將。大將者。不戰而可收成功。侯言得
售。廣右里戶婦子。迄有寧字。且朝廷亦不厯南顧。若
按是圖。悉籌其山林沮澤道路。阨其險要。潛襲攻圍。
若禽獮而罅薙之。則余所謂痛焉。而干策爲後也。憂
時者。其倘有擇乎。

贈濡川楊公序

閩中糧儲

國家之遘九。沿漫錯峙。而陝以西當都之右肱。東起

延安。亘寧夏臨洮間。極西放于甘肅。延袤萬餘里。其
戍守之士。視諸邊居三之一。食皆仰給縣官。關中自
秦漢時更都。史稱其地肥饒。三輔之家。南有江淮北
有河渭。沂嶺以東。商洛以西。所謂陸海之地。其上之
毛。宜足以經費。顧撫臣開治按邊徼。無以自供。往往
關中一省供邊備者三。故內地往往罷乏。由關中轉輸以助軍。大都以其民土著。由五方更徙
居之。風俗不一。其地廣饒。卽不能盡力。頗有遺利。又
水旱相繼不登。則縣官有司之征賦。益不給。而歲索
內帑以供調。大司徒遣官督輸相望。諸邊虜一報警。

卽稱軍疲不能戰。或叫號不用命。主帥無以禁。姑徐
徐煥休之。士習見久。以爲帥不能如何。則驕悍不可
使。遂成固俗。畏敵如將。以故虜得歲擾邊。無所亡矢。
沿邊堡屯被蹂躪殘破矣。見烽火起。更爲縮汗。幸其
不出吾地。無能遺一鏃以恐虜者。凡天下言役苦無
過邊。寒甚。又晝夜乘城刁斗。在生死間。而縣官衣食
不時給。少有所調輸。又以其半入將領。不得顧饔飧
妻子。乃責之戰。其勢固當爾。奚足怪也。余不能悉知。
關中余嘗觀國家賦法。養邊吏士。常祿之外。固有屯

田法人受田二十。而入租六石。又間召商中鹽折糴
艸以實緣邊。乃給引通販。慮至深遠。自二法廢。有司
益不足以奉戰士。始索內帑。內帑歲入。民賦閼津山
澤之利。又累朝積聚。其勢宜大饒。而數稱耗乏。纔
有調募。大司徒又復告匱矣。往歲虜由遼陽泊城下。
天子震怒。一譟舉兵。而論理財者蜂起。蓋司徒之
匱久。今恐誠無策。頃且賣爵。自五品而下。居鄉得視
見任。又天下諸藏三分之一。與民犯罪贖及諸防守
兵甲。出折色半。皆輸司徒。虜數犯邊。人言不足若浪

諫。今纔一入。而議括財若是。是誠耗費見形影矣。夫
司徒之積。不足以供費。而營繕水衡太僕大官之積。
又不聞有羨。下里小民。又所在無藏富。不能佐天下
之惡。然則天之生財。將安所歸也。獨他無策耶。司徒
不足領天下之經費。而各省布政司攝一省租賦。如
閩中。又日給諸邊。當天下一多事。其催督生理之道。又
安可不悉講而細求也。定興濡川楊公。爲廣西按察
僉事之三年。兵備右江。以能聞。天部以公才。使督開
中糧儲。遷官爲叅議。余于公雖未面。予聞有周天下

皇明經世編

王敬所集

卷之二

平露堂

之慮者不後時而廢事故并道當世之惑以贈行自
今凡關中食足士勵不病元元諸邊賴以倍氣惡戰
咸于公觀之

海運誌序

海運

敬所先生海運有詳考一書不在本集中今搜得之
余往嘉靖辛亥視學廣右時吏事寡暇輒取全史讀
之觀古人攻戰處以按覆輿圖其地里險夷遠近如

徐其要論散入編內

在几席間後移官江西羅文恭公出廣輿圖相質正
余爲刻于省中因知海道自淮循所嶼薄燕薊便
甚宋宣和間議攻遼而諸臣不知出此僅遣高藥師

以一舟使金往返若陸其後元人通海運于都燕爲得策且悉考當時載籍無言海中壞運舟者意卽有之不多故不道也藏其語二十餘年隆慶辛未余起家復守藩山東會河漕告病朝廷遣科臣按視欲開膠萊河以避大海通運事不就余曰卽大海可航何煩膠萊河也叙其說上撫臺以米試之驗語聞會科臣疏上遂下通運之命而余亦叨轉督漕身踐初議募舟集糧時中外尚疑駭謂不知何若乃行僅踰月十二萬石悉安行抵岸而天下臣民始信海道之

可通矣。開久廢。以佐河漕。安六軍之心。銷奸萌之志。
國家都燕大海在左肱。此專利也。一百六十餘年來。
群臣論著多而未果行。茲遇聖君賢相。英謨立決。
而微臣沐浴適奉廟略。叨奔走再闢茲途。在國輸常。
暫多寡。惟意所施。非宗社萬年靈長。寧遂效斯計耶。
今而後始敢布其說。取前後題請移冊及海上道里。
行計類爲誌。凡二冊。檄廬州守張君大忠刻之。以識
大都云耳。

皇明經世文編卷之終

皇明經世文編卷之三百四十五

華亭

徐孚遠聞公 陳子龍臥子

編輯

宋徵璧尚木 朱 積早服

李 懋素心叅閱

王敬所集

雜著

王宗沐

實書

練兵

此為江右言之也意在練兵不主測兵可謂深於

臬史氏曰昔者聖人之作易也彼固自以為起於中

本末利害之計矣

古憂衰世之事也衣袽復隍之警孤矢除戎之義蓋

拳拳焉而後世自戡亂之後、未有不弛然解者、故歐陽修曰、三代以前之治亂、未嘗不以德、而三代以後之治亂、未嘗不以兵、是烏得罷不講也、開元之承平、府庫器鈍、而漁陽之鋒、若涉無人、晉武之粗安、警備盡徹、而羯氏之難、如赴同讐、含血戴角之爭、此其大情、時以防周慮密、銷于未形、則有所恃者、可以無恐、有所懲者、終於不萌、不然、謾藏冶容、盜淫是誨、卽以偷且一時幸矣、而經時保泰之治、顧不紕乎、江西東南大都、濱江帶湖、四要之地、自三代以還、其戰爭之

略盡於此矣。此乏則彼乘。民安則盜戢。乘除機宜。可指諸掌者。入我朝。正德以後。則漸入於多事。蓋不復可以雅馴優游理矣。今各衛之額。大率視初年多耗。減不十四五。而往往事起。輒不足戰。更調客兵。如桃源之難。狼兵猶不可用。而藉邊兵一時艾剗之力。若病者投以峻劫。非不適意。然邊犢兵苦驛騷。不可束縛。而田州土官岑猛。因以輕中國。歸而有反心。譬之病稍去。而元氣耗疲。則雖一時猶難語理。而況爲經年之計。與數世之安者耶。嘉靖壬子。海上難作。天下

皆震、徵兵轉輸，不啻焚、燬。貢者調狼兵以萬計，近又募人廣海間，道必取江西，其供應不給，而焚廬掠奪，幾無異賊。巡撫何公遷，巡按鄭公本立，皆條疏令總督遣官護蒞，又須部伍不得雜以無藉者，卽奏可施行。而彼方魚鳥聚，朝不圖夕，緩之益甚，急之恐生他變。張順瞋目以視其虜，暴不敢誰何，時復有半道不歸者，往往散在江湖間爲盜。其計未可遽止也。而况贛州之賊，頗連閩廣，乘機竊發，每歲報警，不能草獮禽薙，以稱快志。而一二歲寇自閩者，由崇安出新城。

南豐震驚撫建每一報至卽束手不可爲計若此者豈非預練素備之道不明則無以待其至耶段秀實曰虎豹之所以可畏者以其有爪牙也爪牙去則狐豚特犬皆能爲患今各處傍伺意在需時萬一水旱相仍棒土不塞江河是濫而况連湖湘以爲上流控南都以爲右腋其患非特豚犬也諸衛減耗民畏言兵若支贅者每一調遣練習若兒戲然懲前患者老不記憶宴目前者壯不他慮其威非特去爪牙也皮不傳矣於此而欲建蒐討之議信截馘之法立不可

測知之防。於苟且無事之日。其誰以爲然者。夫江西地儉瘠。民強而喜鬪訟。桂文襄公專志之矣。崇仁樂安。德興。樂平。諸縣。萬有一爭。輒聚數百人。其勢非盡夷人之官而殺其讐不止也。非可安枕而臥者也。使其爲公戰如報私讐。此秦人所以併六國也。患無以倡之者。往時鎮守太監鄧原建白。以贛州巡撫兼四省爲制上流。而南昌知府李公承勲。至聯民安以制突寇。彼豈不憚於更舊制。動民力哉。夫亦有所懲不得已而然也。故爲今計者。不過三事。曰練。曰募。曰調。

練爲上。募次之。調爲下。凡兵不過曰守城。曰野戰。野戰爲難。守城次之。夫調兵者。其野戰之歎。與退而不可盡法者。衆之所共知也。而不知其猶無益于守城也。其暴掠之慘。與供給之費。衆之所共知也。而不知其猶不止於無益也。百里而奔命者。蹶上將千里而趨利者。軍十三至。彼遠去。其鄉里親戚以處于此。豈復有愛其田間里居之心哉。故凡藉手於調者。元末楊完者之在臨安可監也。非國家之長計也。若必以爲藉調者。是田單終不可以強敗齊。而少康不可用。

一旅也。國家海寇作難八年矣，征輸之令，悉於編氓，焚掠之慘，毒於骨髓。練兵之請，臺諫之章，積於掖門，朝廷亦嘗拔知縣之官於不次，又設專官以爲名矣。而終未聞有精銳之卒，足以當一陣之寄者，豈非以氣不加作，則以柔脆之病，委諸生成，法不加嚴，則以掣肘之責，分於傍列，自非斷疑信法，預賞任功，察微兼此者，而曰練兵練兵，是徒委虛文者也。郊有壘者，而尚云爾，則言兵實於斯土者，固宜以爲支矣。然觀往事，則昭然若指掌可視也。自古言治兵，無出於數

事者每倡言之則亦老生之談而已然事決而後行則言雖近而得便機徂而不奮則畫雖深而寡成伏險於大順慮患於未然而况浙直連墟閩廣未靖四隣紛擾方獨處中可無一旦之慮而直爲此熙熙哉太史氏曰教習不可廢於家刑罰不可弛於國兵甲不可偃于天下用之有巧拙行之有順逆爾世儒闇於大較猥云德教遂執不移宋向戌請晉楚弭兵其從交相見以爲功而求封焉公與之邑六十以示子罕子罕削而投之曰天生五材民並用之誰能去兵

兵所以威不軌而昭文德也。聖人以興、亂人以廢。廢興存亡、昏明之術、皆兵之由也。而子求去之、不亦誣乎。凡闇凡誣、非他也。人情易安而難動、時習見久而駭初、故安房闔者難與議資斧之需、藏瓶盎者不可談海陵之積、囂然之治、非所以切實事而慮深長者也。所以貴斷疑也。自正德己卯以來、江西宴安四十年、往往撫臣亦嘗練兵、又選其精者別號作之、人人自信、而不至於以爲戲者、獨以生死之法行於其間。爾、光弼之代河陽、非易地也、而用濟之斬、則旗幟爲

之加明、世宗之幸潞州、非易兵也、而愛能之去、則三
軍爲之惕息、上之人有斷然之意、而不牽於顧盼、則
下之人有毅然之志、而不敢於偷安、朱虛行酒、則一
座皆肅、項梁治喪、則賓客皆辦、驅人於鋒鏑、習人以
殺伐、而托於空言哉、所以貴信法也、夫師行而糧從、
法嚴則賞附、有程之經費、不可以給出格之需、有限
之工食、不足以獎不凡之氣、今江西之財、出自庫藏
者、如賦書所具、已不可復有所加矣、兵食相須、而雖
韓白之將、亦安能獨以斬馘之法、得人人死力哉、昔

在贛軍門之始。勑也。嘗具請以廣益行湖西矣。當正德間。王公守仁所以能收涖頭桶岡之功者。亦以費出於是而足以自給也。頃者峽江設橋。則廣益不下而稅且寡。巡撫副都御史范公欽。經略練簡。幾有緒矣。猶懼徒手無策。假令萬一將大有所用。則今有司往往告乏者。將何以善其後耶。積貯國之大命。轉輸兵之上務。竹頭木屑。收之厭棄之日。食羊投膠。分於迫切之時。是安得不預賞也。夫王者操勵世之權。則惟明於殿最。大臣有分統之任。則惟別夫偷勤。夫平

常之事、文史之間、可以優游儒雅理也、而軍旅之間、則惟抱才負志、不習尋常者之所能辦也、然違時者、有獨異之譏、任事者多見疑之跡、機密而不可以語入、則意難以遍論、功成而不能以自晦、則忌至而不能以悉平、是以當事之臣、常淪於不韙、垂成之績、每廢於嫌疑、自非在上昭然別白之保護之、則幾不方宜而遽易、甫定而遽變哉、是安得不任功也、烏附以去病、而亦以發病、譏闇以禦暴、而亦以爲暴、彼鞞膝袴首而稱雄者、豈俛首操耒者耶、亦椎埋不逞之徒、

而已。用之則必有以優之，優之而過，則驕不可復制。
優之必有以裁之，裁之而過，則怨不可復遣。故有叫
呼於馬櫪者，亦有橫枕於民廬者。犯此者雖有震世
之功，燃眉之急，不惟人將不食其餘而已，亦將有所
不享其利。故察入秋毫，而行以平恕。法漏於吞舟，而
將以必罰。是將之物也。往光武所以謂每一出將，頃
輒爲白者，此所爲謹微也。集此衆効，卽練當自精，不
足則繼之以募。凡須調者，特苟目前。若引盜入室，不
顧主人，則可爾。今天下衛所之額，皆取足於罪謫者。

邇年以來。嘗有令輸贖治矣。彼不殺人則盜庫作姦。其不能操戈從事於什伍亦明也。故軍之耗不可復而取足於民兵。民兵不能盡使。而又有精兵。時變遷代。不可盡悉。而有備無患。千古律令。不然桃源之奔突。倏忽而至衢信。宸濠之微賤。瞋目而破南九。固猶爲有守哉。前輪不易。後車將覆。余爲實書。故諄諄道焉。

險書

設險

臬史氏曰。按江西延袤割屬。歷代不類。不可詳道。今

制所分隸大都境內南北一千九百里東西一千二
百里中南昌北負大江依湖東北爲饒州盡浮梁東
下廣信窮玉山巔向南安阻嶺稍轉而西袁州際萍
鄉西北則九江界瑞昌此其五大門戶也國家初定
天下更置衛所藩屏之凡自西而南皆設衛如袁如
九江如贛而東皆設所如信如饒豈非以楚有洞庭
長沙梯衡之險爲江上流盜所根盤而東則浙與徽
皆平安號無事者可稍簡易爲防哉余志實書記歷
朝兵事其所緣出人之路與備禦之地皆非經常耳

目所及、然則治天下國家強幹弱枝、居中制外者、乃其大端、而於守險制備、雖未可盡憶度周列、至其剪裁萌芽、留意於必攻之途者、亦不得而獨缺也、邾城不可守、則陶侃棄之以自全、汾北所必爭、則韋孝寬重之而欲備、彼皆素習知其地之險易利害、可以守禦、及或出奇、且量其敵之將與勢而度之、而虜已在目中矣、故地有險而將愚者、則棄地有易而敵邇者、必守我利者勝、彼利者敗、互持者勝負十五、此地之道也、今江西無桴鼓之警、其民安土樂業、四境一家。

萬姓一人。無所事險。又安用藩籬守禦以爲隄防哉。然地形不同。而用險有二。不過用之以爲勝。據之以爲亂而已。四隣相接。事防侵軼。彼度我險。則用力百倍。此用之以爲勝者。如狄青之疾度崑崙是也。方以赤子。忽若龍蛇。依傍巖箐。以作不靖。此據之以爲亂者。若武陵蠻之依九溪以叛是也。斯二者之在天下。其勢常相勝。語曰。尺箠當猛虎。奮呼而操擊。衣甲據兵而寢。童子彎弓射之矣。意外倉皇。周慮者所不遺。要在先而制之。爾鄱湖固大澤。壓四郡之境。春夏水

溢渺茫萬頃則波濤蕩涵不可湊泊秋高水落塍埂微露則又千條萬港舟一入其中鬼伏神藏不可周詰而奸民聚居則行賈風舶不得安致甚或剽劫大姓不逞無忌捕急則入匿其中國家巡司之建一省百一十三所而沿湖者一十有四蓋謹之也他諸嶺北邇廣建信接閩皆萬山盤迤官府捕隸足跡之所不能至民窮或負釁逃入其中敎之搏噬出入事連數省則彼此相持莫之誰何彼方恃其窟穴而有司又以逋負急征之無罪虐易生其憤心聚而得志其

爲隱憂豈可一二數哉其勢非有以剪截之究詰之則且聚而不散此非不見形影露端倪也而言無害者異苟安枕爾故江西大勢凡四隣有警皆所可畏而湖口尤爲咽喉境內有警皆所當慮而贛州尤爲樞機蓋大江之舟入自湖口則乘風南指不啻驚四郡也倏忽上下一省皆震贛州據上流方舟而北猶之建瓴也而數郡皆糜爛矣正德初年巡按御史臧公鳳上言四事一謂假兼制以安地方南贛二府接連三省流賊出沒東西北方不相統攝文移約會動

淹旬月以致賊多散逸事難就緒今命都御史兼制
四省接境府州隨宜調度則盜可息奏可施行而其
後御史楊公必進亦上疏略曰南京根本重地淮揚
諸衛悉屯重兵所以備淮海也荆蜀江漢會于九江
而贛吉撫饒滙於鄱陽湖口國家於九江開府置衛

九江五兵備是馬鈞陽建議以障蔽江南者

又制兵備以專守之而湖口曾無一卒之戍非全策
也請於湖口增設一軍而以九江鈔關餘積各置戰
船百艘俾相爲應援以南康黃州二府隸九江兵備
守備而巡江御史得以往來巡歷則荆蜀諸盜不敢

窺九江。贛瑞諸盜不敢窺湖口。今南京江口雖有水操。不過文具。乞命操江都御史將水操事宜詳議舉行。其安慶九江蕪湖三處各以時演習水操。則水道可無憂矣。江西閩廣之盜。泛鄱湖而登陸。則池之建德徽之祁門。晝夜兼程。五日可至金陵。宜撥新安衛一所屯祁門。池州衛一所屯建德。復於要害隘險守以弓兵。謹以烽堠。則陸道可無憂矣。下兵部覆令南京內外守備官及撫按官會議以聞。事竟不施行。二公慮誠深。其於金陵之勢。猶有關涉。而楊議竟不見。

實事豈非所謂異苟安枕者哉。難者曰。百里之邑。雖
狹而必有邊。一圍之山。雖卑而必有趾。邊與趾卽險
也。子爲險書。其於平承無庸且置也。卽擇而後守。則
變不可預圖。若必皆守。是安得兵悉給也。且如往事
贛石灘虔州之峻阻也。李遷事終於敗亡。生米渡南
昌之坦途也。岳武穆藉以破賊。十四地之形。孫武子
之所不能窮。而穰苴白起之所不能備也。子悉圖之
其將盡乎。不圖則書無所庸之。而子奚以籌耶。嗟乎
是非予心也。余爲險書。亦以告有司。與吏於茲土者。

而已。非以謂將也。自兵法而言之。擇險而出奇者。名將有所不足。因險而預備者。庸令可使有餘。自治法而言之。克盜於已形者。巡撫有所不足。散盜於未聚者。薄尉可使有餘。自昔先王之定國也。彼亦豈必盡求爲捍敵哉。而公劉之始至邠也。必相其陰陽。觀其流泉。而文公之徙楚丘也。必協之中星。而陟之景山。彼所以爲眷眷不憚煩者。蓋擇地以居民。處于陰陽風雨之會。以協其性。而寒煖燥濕。必避其郵。故燕趙之慷慨。非獨輕生也。齊人之詭詐。非獨不情也。淮南

多瘠。長沙重隹。彼非獨不理身也。食其土之毛。又因
而習焉。少長相承。則以爲固然。斯所以爲俗也。而成
則不可復制矣。民誠重遷懷土。然去兒齒者漸。則不
驚。此其利害。與介冑而取勝者。相萬萬也。故良有司
者。視其始居。察其磽肥夷曠。不使其處峻阻也。卽峻
阻矣。旣居而安土。稍披以成俗。則以計散之。不使之
保聚也。鄰有跳梁。而吾民適肘腋其間。則明其保伍
不使其合。而又防其闔也。地險而遠聲。治叫呼之所
不達。則時聯而集之。警以象魏。而夷其所憑依。不使

其自遂也。卽不幸習成而事遲。機萌而牙振。則潛謀密計。解約判仇。沉沉冥冥。不弛不驚。不使其驟發也。如此而又能時征輸。寬剝擊。與之休息。敎其子弟。而植其田疇。結洽膠固。蕃庶蒸變。則彼亦各愛其妻子。室廬以求老死者。人情之所同。雖有高城深池。不敵人和。而况深林大澤。亦庇以生。彼安肯舍其所甚利。而求必死於安全之日哉。此余所以告有司。與吏於茲土者也。

該所為山東左轄道有膠河之議因條上存龜亭
該職查得膠萊河之開始於元世祖至元十七年七

宜此乃本籍所不載見之海運詳考一清

月總管姚演奏事下丞相阿合馬與百官集議開鑿以鈔萬錠為傭直仍給糧食世祖從之十八年九月丞相火魯火孫又奏請免益都淄萊寧海三州一歲賦入折傭直以為開河之用三十一年御史臺言膠萊海道淺澀不能行遂廢而所恃以達于京師者惟恃阿八失所開濟州河其後漕臣囊加解孫偉言漕海舟疾且便而右丞麥木丁亦言阿八失所開河益少損多是時漕臣忙兀解遂招集南人運達萬石與

龔加解孫偉言令諸臣請用軍驗試遂移阿八失河
所用水手及軍萬人船千艘昇揚州省教習漕運以
平潔船從利津專事海運而濟河亦廢夫以元人之
虐用其民開膠萊河史臣稱其所費不貲而卒無成
效固不能強以全盛之力與河爭利者此其終不可
成之明驗也夫邳河旣未能猝通而膠萊又恐不足
以濟故以愚見莫如徑通海運今誠得二萬金以六
千金造船六隻以餘銀募登萊海島居民約船大小
每船須五十人上下以三隻自登州而北至直沽三

以少試之也

隻自登州而南至淮安，每船皆給以公文及齎帶重
物，到彼處官司交投爲驗，還歸登州，凡可往返三兩
轉，卽係海道通行，然後通議造船派運之法，悉元人
規制，詳見後條。銀發海右守巡及海道督造募招，每
船給一大牌，通書船上水手姓名，又每人給一小牌，
俱書年甲籍貫，以防改替，仍每船給畫工一人，以便
圖錄標記，停泊山崖之名，則明年之春，卽可以所造
之船先赴淮安兌運，止數萬石，如元人初年之例，其
事之必可成，及悉查歷代成算，與較量本朝河運利

害逐款開載于後。職以爲有十二利焉。自古建漕以
建都爲向。往漢唐都秦則通渭。宋都梁則通汴。我朝
定鼎幽燕。地勢極北。所恃者在邳河一線之路。近又
淤塞。有識寒心。今所費不多。而別通海運。兩漕並輸。
漕以二條。利也。急也。國計益足。彼不來而此來。先臣丘濬固已言之。此

國家至深至遠之計。一利也。漕河身狹。閘座聯珠。漕
船勢必立幫。以防爭越。挨守日久。則百弊生。而軍食
費。今海運開洋。不必挨幫。二利也。查據議單。每歲漂
流掛欠不下數十萬。掛欠由人。漂流由天。然卽漂流

之中論之有人船米俱在者有人在而船米亡者有
船壞而米尚可撈於濕者情態萬狀報入戶部不過
行勘然有司之勒停與吏書之隱匿有實漂流而以
爲虛至死獄中而責償不獲有不漂流而以爲實各
分其利而虧損在官今海運旣通則雖有漂流而無
掛欠而漂流亦不待於勘報稽違以悞總計三利也
今漕河浙江蘇松常鎮寧國太平共糧一百八十六
萬石每石扣過江米七升共該費米十三萬二百石
而入淮以後遇淺盤剝脚價之費不與焉今海運旣

通則過江米與夫盤剝之費。省者不下數十萬。四利也。漕河運軍。兌米已畢。憚于空歸。牽挽之勞。往往將

船鑿沉而逃。每歲計費不貲。今海運無船。將不能歸。

此宋人之得策也。愚謂漕益亦

則沉船可省五利也。宋人運船歸則帶益。丘濬亦有

今爲一人如則晏故軍則可以設此矣

此論其事體未敢遽議。然今各軍有行糧。有賞鈔。有

安家。今誠通海運。舟大而人多。許其稍帶南貨。免其

抽稅。而漸減行糧諸色。每歲之省亦不可計。六利也。

漕河運軍行糧。有派在水次隨支者。每每徵收不齊。

其後改徵本色四五錢不等。而官給不時守候頗繁。

今通海運則須盡給而後開幫。凡一應料價輕齎、
糧等項，有司皆不容緩。料理自齊，七利也。議單浙江、
江西、湖廣隨船耗米，每石至七斗六升。其餘道里漸
近，雖有遞減輕齎，然其費亦不貲矣。所以然者，爲其
行日久而耗多故也。今海運乘風勢甚汛急，則耗米
亦可稍議裁節，其贏亦多，八利也。京師王畿四方走
集，近者累歲爲行戶市買，民間負累，輔臣曾形章奏。
今海運旣通，百貨合奏，則物價稍輕，行戶亦寬，自成
富盛。往唐陸贄當德宗之亂，以京師米賤，奏請出糶。

關中爲之價平。今國家承平。萬無此理。然以貨推米。

則深計者所不廢。九利也。遼東孤懸。餉饋甚艱。往年

遼東也。

災荒。天子爲之宵旰東顧。海運旣通。則遼東緩急

可餉。如洪武三十年故事。十利也。歷朝漕運皆率僇

募。而惟本朝用軍。歷朝漕運率皆轉搬。而惟本朝直

達軍無更休。而直達路遠。在途更時。牽挽疲勞。還家

未煖席。而官司已點再運矣。今海運旣通。則每行五

鼓開船。而已時卽泊。每歲止春初入兌。而夏盡卽休。

疲困亦蘇。十一利也。兌運之時。軍弊百出。盜賣侵尅。

甚或官軍俱逃其有軍市而官不知則拖欠之官在刑部獄者往往相比也今海運自開洋之後欲盜而誰與爲市已盜而逃將焉往十二利也國家承平二百年矣私憂誠不勝惓惓頃歲久臥林下頗考其詳茲輒因膠萊之議用布始末以仰慰廟堂不惜帑費爲國家建長遠不拔之盛心此係元人與國初已享之成利循之耕熟田也而管見迂疎又以爲萬萬必可成就所有考據利害詳悉俱載後條伏惟鈞臺賜裁擇焉倘可轉聞再加酌議見之施行則宗社幸

其

計開

一海運在先朝始末、查得海運之說、倡自唐咸通中、議而未詳、至宋神宗熙寧七年、京東路訪察鄧潤甫等、言山東沿海州郡地廣、豐歲穀賤、募人爲海運、山東之粟、可轉之河朔、以助軍興、詔京東河北路轉運司相度、卒不果、其後元世祖至元十九年、伯顏思滅宋、時載圖籍、由海之事、以爲海運可通、力請于朝、遂命上海總管羅璧、朱清、張瑄等、造平底海船六十艘、

運糧四萬六千餘石，從海道至京師，然舡行海洋，沿山求嶼，風信失時，明年始至直沽，朝廷未知其利，是年十二月，立京畿江淮都漕運司二，仍各置分司以督綱運，每歲令江淮漕運司運糧至中灤，京畿漕運司自中灤運至大都，二十年，又用王積翁議，廣開新河，然新河候潮以入，船多損壞，民亦苦之，於是罷新開河，頗事海運，立萬戶府二，以朱清爲中萬戶，張瑄爲千戶，忙兀解爲萬戶，府達魯花赤二十四年始立，行泉府司，專掌海運，增置萬戶府二，總爲四府，二十

五年內外分置漕運司二其在外者於河西務置司領接運海道糧事二十八年又用朱清張瑄之請併四府爲都漕運萬戶府二止令清瑄二人掌之其屬有千戶百戶等官分爲各翼以督歲運至大四年遣官至江浙議以嘉興松江秋糧并江淮江浙財賦庶歲辦糧全充運海漕之利至是始博而到京者已三百萬有餘矣初海運之道自平江劉家港入海經揚州路通州海門縣黃連沙頭萬里長灘開洋沿山嶼而行抵淮安路鹽城縣歷西海州海寧府東海縣密

州膠州界放靈山洋投東北路多淺沙行月餘始抵
成山計其水程自上海至楊村馬頭凡一萬三千三
百五十里至元二十九年朱清等言其路險惡明年
千戶殷明略又開新道從劉家港入海至崇明州三
沙放洋向東行入黑水大洋取成山轉西至劉家島
又至登州沙門島於萊州大洋入界河當舟行風信
有時自浙西至京師不過旬日而已視前二道爲最
便云但風濤不測糧船漂溺者間亦有之然視河漕
之費則其得益多矣歷歲旣久弊日以生水旱相仍

公私俱困疲、三省之民力、以充歲運之恒數、而押運
監臨之官、與夫司出納之吏、資爲貪黷、脚價不以時
給、收支不得其平、船戶貧乏、耗損益甚、兼以風濤不
測、盜劫覆亡、由是歲運之數、漸不如舊、至正元年、益
以河南之粟、通計江南三省、所運止得二百八十萬
石、二年、又令漕行省、及中正院財賦總管府、撥賜諸
人寺觀之糧、盡數起運、僅得二百六十萬石而已、及
汝潁倡亂、湖廣江右相繼陷沒、而方國珍、張士誠、竊
據浙東西之地、雖縻以好爵、資爲藩屏、而貢賦不供、

剝民自奉，於是海運之舟不至京師者積年矣。至十九年，朝廷遣兵部尚書伯顏帖木兒、戶部尚書齊履亨徵海運于江淞，由海道至慶元，抵杭州。時達識帖睦邇爲江淞行中書省丞相，張士誠爲太尉，方國珍爲平章政事，詔命士誠輸粟，國珍具舟，達識帖睦邇總督之。旣達朝廷之命，而方張互相猜疑，士誠慮方氏載其粟而不以輸于京也。國珍恐張氏掣其舟而因乘虛以襲已也。伯顏帖木兒白于丞相，正辭以責之，異言以諭之，乃釋二家之疑。先率海舟俟于嘉興。

之噉浦、而平江之粟、展轉以達杭之石墩、又一舍而後抵噉浦、乃載于舟。海灘淺澀、躬履艱苦。粟之載于舟者、爲石十有一萬。明年五月始抵京。是年秋、又遣戶部尚書王宗禮等至江浙。二十一年九月、又遣兵部尚書徹徹不花侍郎韓祺往徵海運一百萬石。二十二年五月、運糧赴京、視上年之數、僅加二萬而已。九月、遣戶部尚書脫脫歡察爾、兵部尚書帖木至江浙。二十三年五月、仍運糧十有三萬石入京。九月、又遣戶部侍郎博羅帖木兒監丞賽因不花往徵海運。

士誠託辭以拒命。由是東南之粟給京師者遂止。於是歲此載在元史大略也。又考元臣羅璧傳曰：璧與朱清、張瑄首部漕舟，由海洋抵楊村，不數十日入京師，賜金虎符，進懷遠大將軍，管軍萬戶，兼管海道運糧。二十四年，乃顏叛，璧復以漕舟至遼陽洋海，抵錦州小凌河，至廣寧十寨，諸軍賴以濟。加昭勇大將軍。二十五年，督漕至直沽倉，潞河決，水溢幾及倉，璧樹柵率所部畚土築堤捍之。陞昭毅大將軍。王艮傳曰：艮遷海道漕運都萬戶府經歷，時紹興之官糧入海。

運者十萬石、城距海十八里、歲令有司拘民船以備短送、吏胥得並緣以虐民。及至海次、主運者又不卽受、有折缺之患。良執言曰、運戶既有官賦之直、何復爲是紛紛也。又責運戶自載糧入運船、爲風所敗者、當覈實除其數、移文往返不絕。良取吏牘披閱、卽除其糧與鈔、運戶乃免於破家。王克敬傳曰、克敬擢湖南道廉訪使、調海道都漕運萬戶。是歲當天曆之變、海漕舟有後至直沽者、不果輸、復漕而南、還行省、欲坐罪督運者、勒其還趨直沽、克敬以爲脫其當年而

往返若是信可罪。今蹈萬死完所漕而還豈得已哉。
○今○漕○運○米○歲○入○不○足○明○年○亦○可○補○也

乃請計石數附次年所漕舟達京師省臣從之黃師
泰傳曰師泰江浙行省叅知政事二十年朝廷除戶
部尚書俾分部閩中以閩益易糧由海道轉運給京
師凡爲糧數十萬石朝廷賴焉張思明傳曰初立海
道運糧萬戶府于江浙受除者憚涉險不行思明請
陞等以優之因著爲令又查得宋史開載建隆中女
直嘗自其國之蘇州泛海之登州賣馬故道猶存至
重和元年漢人高藥師者泛海來言女直建國屢破

遼師登州守臣王師中以聞。詔蔡京童貫共議。遂使武義大夫馬政同藥師由海道如金。金主與粘沒喝議。遣渤海人李善慶女直散覲持國書。并北珠生金等物。同馬政來修好。詔蔡京等諭以攻遼之意。善慶等唯唯。居十餘日。遣政同趙有開齎詔及禮物。與善慶等渡海報聘。行至登州。有開死。會諜者言遼已封金主爲帝。乃詔政勿行。止遣平海軍校呼慶送善慶等歸金。職惟元人開國幽燕享海運之利。已幾百年。其全盛之時。固無庸論。及至正之末。天下分崩。猶能

使張士誠運給數年。若夫宋之趙有開馬政。又以孤舟鑿空開道由海往來報命。則海道之可通。又不待元而始可信矣。

一海運在本朝始末。查得我朝洪武三十年海運糧七十萬石。給遼東軍餉。永樂五年禮部會議。北京合用軍餉。本處稅糧子粒。并黃河漕運。未能周急。必藉海運。然後足用。卽目海船數少。每歲運不過五六十萬石。且未設衙門專領事。不歸一。莫若於蘇州太倉城內。專設海道都漕運使司。堂上官於文武中擇公

是時未設撫按故云行移與布政

司同即是外臺重任也勤廉幹者以充行移與布政司同各處衛所見有海船并出海官軍俱屬提調以時點檢如法整治奉

太宗文皇帝聖旨運糧的事再議了來說至九年以濟寧州同知潘叔正言命工部尚書宋禮都督周長等發山東丁夫十六萬五千濬元會通河自濟寧至臨清三百八十五里於是漕船始達通州十年禮以海船造辦太迫議造淺船五百艘由會通河運淮揚徐兗等處歲糧一百萬石以補海運一年之數十二年平江伯陳瑄等始議原坐太倉歲糧蘇州并山東

兗州送濟寧倉，河南山東送臨清倉，各交收。浙江并直隸衛分官軍，于淮安運至徐州京衛官軍，于徐州運至德州，各立倉廩收囤。山東河南官軍，於德州接運至通州交收，各爲支運。一年四次，十三年增造淺


造洋者，海運立格之所也。

船三千餘艘，海運始罷。遮洋船，每歲于河南山東小灘等水次兌運糧三十萬石，內六萬石于天津等衛倉收，二十四萬石內十四萬石連耗折銀六錢，俱從直沽入海，轉運薊州倉收。其後巡撫侍郎周忱言：「裏河民運多失農月，請如永樂初，令民運於淮安瓜洲。」

補給腳價兌與軍民兩益衛所出給通關付繳從之宣德八年叅將吳亮言江西浙江湖廣江西船各回附近水次領兌南京江北船於瓜淮領兌其淮徐臨德諸倉仍支運十分之四浙江蘇松等船各本司府地方領兌不盡者仍於瓜淮交兌其北邊一帶如河南彰德府於小灘山東濟南州縣于濟寧其餘水次倣此成化七年都御史滕昭議罷瓜淮兌運裏河官軍顧江船於江南水次交兌民加過江之費視遠近爲差十年議准徐臨德四倉支運糧七十萬石改

就水次兌與軍船名爲改兌每年議派多準其數然
不爲常例又查得平江伯陳瑄傳載永樂初克總兵
帥舟師海運歲米百萬石餉京師遼東請建百萬倉
于直沽尹灣城天津衛籍兵萬人戍守舟經海島下
令交市人不敢譁兩便之江陰侯吳禎傳載戍定遼
時總舟師數萬由登州轉餉海道險遠禎善調度兵
食充足未幾召還自此遂罷海運然山東登州衛海
船猶設一百隻正統十三年減免止存十八隻歲撥
五隻裝運青登萊三府布花鈔錠一十二萬餘斤至

皇明經世編

 王敬所集

卷之三

海運

五

平露堂

遼東餘泊海濱以備海寇弘治十六年又減四隻其十四隻分派湖廣江西各四隻就彼成造浙江福建各三隻每隻解銀五千兩赴部買料成造正德四年題革各布政司每三年徵價解部三府布花准收折色正德五年仍舊打造嘉靖三年本部議得海船之設本爲裝運布花防禦海寇今布花已收折色若資此以爲戰艦恐遇風則奔馳莫止臨陣則重難旋題請停罷夫登州船至嘉靖三年而始革遼洋船至嘉靖四十五年而始廢今漕河淺船亦自海運四百料

鑽風船改造則海運雖罷不行而其餘規尚有考故職以爲譬耕熟田者誠以二祖之神謨不可終廢也。

一漕運旣久勢必變通查得開國定都必通漕運運法旣久勢須變通故歷代漕法因時改張漢人尚矣唐都關中江淮漕租米至東都陸運至陝而水行至開元十八年裴耀卿始一變而爲轉搬自江淮漕者皆輸河陰倉自河陰倉西至太原倉謂之北運韋堅二變迨漢隋運渠起關門抵長安通山東租賦乃絕

皇明經世編

卷之三

七

平靈堂

灞澁竝渭而東至永豐倉與渭合劉晏三變由潤州
陸運由揚州簿送至河陰李泌四變爲入渭船方五
板輪東渭橋遂罷南路陸運牛仙客五變爲和糴而
其後終唐世宋人都大梁初開四河以漕而汴爲重
開寶八年一變而爲綱運嘉祐三年二變而爲造船
補卒團本路綱熙寧二年薛向三變而爲募客舟與
官舟分運元豐五年陳佑甫四變而爲汴河重綱崇
寧三年曾孝廣五變而爲直達綱而亦終宋之世我
朝初仰海運永樂十一年始爲海陸兼運繼而爲支

運爲兌運爲改兌卽今不惟運之在官軍者弊端百出耗折數多而河之漸南徙者決壅不常梗塞爲病酌時事之急以求必濟之經舍海運則安所求哉通計河海二運俱不能無利害然聖人立法不能使天下之純有利而無害惟酌其多寡之分而決其權使不可窮而已河運之利在腹裏無盜賊之警在安流無風濤之險然近年風水漂流官軍之侵盜歲亦不下十餘萬在戶部不過扣羨餘起存各項以補足四百萬之額然直達之曠日持久則軍無寧歲淇河之

皇明經世編

王敬所集

海道

卷之三

平露堂

轉徙無定。則期限難必。而况侵盜而逃。利歸刁奸之手。攤派及衆。償出在運之人。是以官軍交病。歲漸凋瘵。以職前所述十二利者。詳籌度之。則利在海行爲多。而其所患者。不過風濤之漂沒而已。行之既久。灣泊得地。占風順時。則可以保自完歸。而每年早定兌海運之一事。以久運而始悉其利。弊今敬所建議。行二年而卽廢爲可惜也。

期必開洋於首春之候。則又不待規避而猛惡之風。濤亦不相逮矣。且又計之。今運河之梗。見儲于邳州之下者。已三十餘萬。而停之二年。即使海河二運。利害相當。猶當詢求。以紓南顧之憂。而又况其利害相

十五也。伏惟籌國者幸加意焉。

一初尋海道之議，查得海運不行已近二百年，固未敢遽造舟載糧而長往也。自閩浙而至蘇松，自蘇松而至淮安，自淮安而至登州，其間雖未直達而本界往來固未嘗乏絕。特自登州而至直沽，則已絕北海途遙而利寡，民或未之常經。爾卽今春半，則自登州發舟尚未南北分行，北盡直沽，南盡淮安，卽如前募人造船，可以尋道而驗試之。稍涉初夏，則但可北行而南向之舟不可發。勢須自淮安發舟尋道至登州。

今登膠之間往往有淮貨則民間小舟未嘗不通故

職謂募人初試僅二萬金而足者此也如募人而自

有舟則兼給以其舟之直齎持百給皆應優厚但欲

使人樂于應募而通行凡中道礁梗之處停泊之島

悉加標記往來三數次則即可載糧以試舟爲引導

可也以試舟之水手分布糧船亦可久也又行之二

年則人益習其險而糧舟因可雲集故元初止四萬

○即○劉○吳○濬○運○亦○南○也○

而其後乃至三百萬餘我朝一統而南運爲富卽今

揚州以及江西湖廣皆仍舊由儀真入河而但以浙

此以○知○久○行○之○利○

江蘇松常鎮寧國太平自海運出則固已一百八十六萬矣。自此進退損益。惟吾所欲。而尚何難之有哉。初造試海船。人與費皆不多。無庸設專官。及估費。故不悉道。

一海道旣通。造船通運之議。查得海道前已試驗通行。因可造船開運。但山東登州。頗據海道之中。北入直沽。而南至淮安。約量適均。但登州無木舟。但可以小試。而不可供載糧。登州人寡募。但可初試而不可以足漕數。則須于江淮間更造船隻。而別選水手。此

其所當議者一也。元初水道稱劉家港，在今嘉定縣元末貢師泰則出福寧州。我朝永樂間則漕粟皆頓太倉州。見今河漕則淮安爲聚集，擬通海運則須定起幫之地。此其所當議者二也。漕舟旣通，南貨漸富，則盜賊出沒，勢不能無。故元有仙鶴哨船，而國初環海列有備倭屯戍，徼巡之官兵所必修復。此其所當議者三也。運船帶鹽，始自宋人，其後丘濬亦有此議。然於鹽法不無稍碍，而運軍航海冒險，非有以稍酬之，又無以使之鼓舞而盡其力，非鹽則貨，此其所當

議者四也。河運用軍則各衛自有官統押故可但以都御史糾繩之而已。若海運風濤官非久習則輒眩吐不支。故元人設專官爲都轉運司秩正三品而朱清陳瑄但加職而不易職此其所常議者五也。海行習險必海旁之人故元人雇募水手移置揚州尤須教習而丘濬亦云募閩廣之人募則有費押移河運之軍糧以克募乎抑寧教習水軍乎此其所常議者六也。河運以近多淤塞故求海運而元人亦以江南諸郡糧克運額如必以淤塞爲慮也則湖廣江西淮

揚真慶皆在黃河之南以及白糧船祿米倉府部等衙門糧米將并歸海運乎此其所當議者七也江南海運粟輸太倉開洋此承樂間故事計亦以避丹陽奔牛一帶淺澀也并歸淮安出海則船廠總運皆聚於一處若江南仍自劉家港太倉啓行則廠官勢必分建此其所當議者八也海運糧船至直沽交卸元人於此置廣通倉停頓轉搬各有經費擬今河運議單桃花淺以北事體或官另設船或雇民經紀其所當議者九也元人分滎陽等綱爲三十每綱皆設押

綱官二員、每船三十隻爲一綱、船九百餘隻、運糧三百餘萬石、船戶八千餘戶、綱官以常選正八品爲之、此元人全額也、今截淮北之糧、歸于河運、則船之大小、與戶之多寡、差有節裁、此其所當議者十也、事當新建、則百議俱出、規條紛拏、必當究盡利害、始可以久、自十事之外、有未詳者、俟通行議運之日、博采羣策、以成畫一、固不得憚于更張而坐失大計也、夫海運之利較著如此、而久不及者、夫豈徂於河運之安此言海運所以不舉之行、且憚於更張之煩費哉、戶部總司天下之大計、而

故乃無任事者卷之二
必得在外任事之臣心○料○理○耳○非○不○可○以○行○也○
登州以北之路談風濤之險則聽者易容戒首事之
端則言者喑舌然不知久而狎之自當益習此趙充
國所以云屯田久住從枕席上過師也不然元人立
國固亦有六宮百官之餉給而自至元以迄至正享
其利已幾百年而雖二祖之冠絕百代猶不能棄
其成功而據其見利故職謂欲切時務而慮深遠以
爲足國之資計無便於此者矣

皇明經世文編卷之終